

Бекітемін:
«Қаракұм»бөбекжайы» ЖБҚ МКҚК
директоры  А.Амирханова
« 31 » 05 2024ж

**Маңғыстау облысының білім басқармасының Бейнеу ауданы бойынша білім бөлімінің
«Қаракұм»бөбекжайы» жедел басқару құқығындағы мемлекеттік коммуналдық қазыналық кәсіпорны
«Балапан» кіші тобының 2024 оқу жылына арналған жазғы ұйымдастырылған іс-әрекетінің
перспективалық жоспары.**

2024ж

Жазғы-сауықтыру іс-шаралардың перспективалық жоспары

Іс шаралардың атаулары, мазмұны	Өткізу мерзімі
Маусым айы Іапта «Бақытты балалық шақ»	
«Балаларды қорғау» күні мерекесін ұйымдастыру: - балалар шығармашылығынан концерт; - асфальтка сурет салу	03.06.2024
«Менің әлемім» «Менің жақындарым», «Менің үйдегі сырласым», «Менің бауырларым», «Менің отбасым» тақырыптарында балалармен әңгімелесу жүргізу; Балалардың өз отбасында ата-анасымен, бауырларымен немесе жақындарымен бірге өткізетін уақыттары туралы — қандай ойындар ойнайтыны, қандай спорттық жаттығулар немесе жарыстарға қатысатыны жайлы сұрап, сол ойындардың бірін бірге ойнап көру және алған әсерлерімен бөлісу; Тақырыпқа сәйкес әңгіме оқып беру, ән тыңдату және балаларға қалауы бойынша сол әнді орындауға мүмкіндік беру.	04.06.2024
Кәусәр бұлақ Балалардың көрген мультфильмдерінен алған әсерлерімен бөлісу, олардың қиялын, логикалық ойлау қабілетін және сөйлеу тілін дамыту мақсатында жетекші сұрақтар қою; Балалардың қалауы бойынша мультфильм кейіпкерлерінің образын таңдап, кимыл-қозғалыс ойындарын ұйымдастыру; Пантомимика арқылы кейіпкерді табу ойынын ойнау. Рәміздер күні	05.06.2024
«Мен елімнің Ұланымын!» «Отан» тақырыбындағы өлеңдерді жатқа айту челленджін ұйымдастыру; Балалар шығармашылығынан сурет көрмесін өткізу; Таза ауада ұлттық ойындар сайысын ұйымдастыру.	06.06.2024

«Менің Отаным!» Отанға арналған әндер орындау – Хор немесе жеке ән айту, патриоттық әндерді бірге тыңдау, орындау. Құмда немесе тактада «Менің Отаным» тақырыбында сурет салу – Балалар өз елін, табиғатын, рәміздерін суреттеп, қысқаша әңгімелеп береді. «Сапта жүру» және «Жалауша көтеру» ойыны – Әскери-патриоттық бағыттағы кимылды ойын түрінде ұйымдастыру.	07.06.2024
Маусым айы 2апта «Жас із кесушілер»	
Жас із кесушілер Дәстүрлі емес сурет салу техникасымен сурет салу; Кимыл-қозғалыс ойындарын ұйымдастыру: «Өз түсінді тап», «Жасырынбак», «Жалаушаны тап»; «Із кесушілер деген кімдер?» деген жетекші сұрақтар қою арқылы балалармен әңгімелесу; Ертегі немесе көркем шығармадан үзінді оқып беру; «Із кесуші» мультфильмін көрсету.	10.06.2024
Аңдар мен аңшылар. Альбомдарды карау: «Аңдар», «Құстар», «Гүлдер» және т.б.;«Табиғатты қорғау» белгілерін дайындау;Сурет салу: «Жайлаудағы төрт түлік», «Орман аңдары», «Менің сүйікті жануарым» және басқа да тақырыптар (балалардың қалауын ескеру ұсынылады);Құммен және сумен тәжірибе жасау; Құрастыру: «Аңдардың үйшігі»; Қоршаған ортаны қорғау бойынша жаднама құрастыру; Кимыл-қозғалыс ойындары: «Аңды ізіне қарап таны», «Бакшадағы қояндар», «Қағып ал да ата» (доппен).	11.06.2024
Мейірімді достарым	12.06.2024

– Аңдар мен үй жануарлары туралы кітап көрмесін ұйымдастыру – Мысықтың өзіне күтім жасауын (жуынуын) бақылау – «Ерте, ерте, ертеде...» тақырыбына сәйкес аудио ертегілер тыңдату, тыңдалған ертегінің мазмұнын айтқызу – Сергіту сәтінде аңдар мен үй жануарларының қимыл-қозғалысына құрылған жаттығулар жасау	
Саялы бак – «Біздің өлкеміздің ағаштары», «Балабақша ауласында қандай ағаштар өседі?», «Ағаштарды өрттен қорға!» тақырыптарында балалармен әңгімелесу – Суреттерді, альбомдар мен иллюстрацияларды карау – Орманға, саябаққа немесе балабақшаның табиғат бұрышына саяхат жасау – Шығармашылық жұмысқа пайдаланылатын табиғи материалдарды жинау – Ағаштарды бақылау, оларға күтім жасау – Ағаштар туралы әңгімелер мен өлеңдер оқып беру, жұмбақтар шешу – Дидактикалық ойындар: «Қай ағаштың жапырағы?», «Тыңда да таны», «Қай ағаштың жемісі?» – Ағаштардың суретін салу	13.06.2024
Сыр сандық – Таныс ертегілердің қойылымдарын сахналау – «Ең үздік қойылым» және ойдан шығарылған ертегі қойылымдары байқауын ұйымдастыру	14.06.2024
Маусым айы 3 апта «Жаз да келді, көңілді»	
Сабын көпіршіктері күні – Балабақшада және үйде жеке бас тазалығын сақтау туралы әңгімелесу – Медициналық кабинетке саяхат – «Дәрігер» сюжетті-рөлдік ойыны – Су әлемі туралы жұмбақтар шешу	17.06.2024

– «Тамшылар» мультфильмі бойынша видеосюжеттер көрсету – Дәстүрлі емес сурет салу техникасымен сурет салу – «Жедел жәрдем» театрландырылған ойыны	
Теңіздегі тіршілік – Су ханшайымымен саяхат – «Су патшалығы» суреттер байқауы (ата-аналармен бірлесіп ұйымдастыру) – «Өзен, көлдер» тақырыбындағы альбомды безендіру – Сумен түрлі ойындар ұйымдастыру	18.06.2024
Сүйкімді кірпі – «Менің ағзамның қорғаушысы», «Пайдалы және зиянды тағамдар» тақырыбында әңгімелесу – Көркем шығарма оқып беру – «Зиянды тағамдар» тақырыбында ұжымдық плакат әзірлеу	19.06.2024
Табиғат аясында – Жыл мезгілдері туралы түсініктерді бекіту– Табиғат құбылыстары туралы ұғымдарды пысықтау – Жапсыру жұмысы: «Күлімдейді күн маған»	20.06.2024
«Күн, ауа, су» ойын сауығы – «Сылдырайды мөлдір су» тақырыбында әңгімелесу: денсаулыққа ауа мен судың пайдасы, судағы қауіпті жағдайлар туралы түсіндіру – «Жуыну әнін» тыңдату немесе балаларға бірге айту	21.06.2024
Маусым айы 4 апта «Қауіпсіз жаз»	
Бағдаршам күні – Көше қозғалысы ережелерін қайталау – «Дымбілместің қала көшелеріндегі оқиғалары» бейнесюжеттерін көрсету және бірге талдау – Жапсыру жұмысы: «Бағдаршам» – Балалардың ережелерді есте сақтауына көмектесу мақсатында балабақша ауласында «Көше	24.06.2024

қозғалысы» ойынын ұйымдастыру (ойыншық машиналар, қуыршақтар, құрастырғыштар мен жол белгілерін пайдалану)	
– Пайдалы және зиянды өсімдіктер – «Улы өсімдіктер мен саңырауқұлақтар», «Дәрілік өсімдіктер», «Табиғаттағы қауіпсіздік» тақырыптарына сәйкес суреттерді қарап, әңгіме жүргізу – Мультфильмдер көрсету – Жапсыру жұмысы: «Жеміс-жидектер патшалығы» «Саңырауқұлақтар әлемі» мүсіндеу	25.06.2024
«Марғаудың үйшігі» «Өжет өрт сөндірушілер», «Құтқарушылар» сюжетті-рөлдік ойындарын ұйымдастыру – Өрт кезінде сақтау қажет тәртіп ережелері, «101» қызметі, өрт сөндірушілердің қызметі туралы балалармен әңгімелесу	26.06.2024
«Қауіпті заттар мен құралдар» – Ойындар: «Өртке қауіпті заттар», «Өрт сөндірушіге не қажет?» – «Өртке қауіпті заттар» тақырыбында коллаж жасау (ұжымдық жұмыс) – «Болады – болмайды» дидактикалық ойыны – «Мен бастаймын – сен аяқта» дидактикалық ойыны – Балалармен тақырыпқа байланысты кері байланыс жүргізу	27.06.2024
Шебер қолдар – «Шебер қолдар» театрландырылған қойылым атрибуттарының байқауын ұйымдастыру – Балалармен бірге қойылымдар дайындау және сахналау (саусақ театры, көлеңкелі театр, қуыршақ театры)	28.06.2024
Шілде айы 1 апта Гүлденген табиғат	
Табиғатты қорғайық	01.07.2024

– «Табиғатпен тілдесу» тақырыбында балалармен қоршаған ортаны қорғау туралы әңгімелесу – Суреттер байқауын ұйымдастыру – Ата-аналармен бірге «Гүлдестелі ханшайым» байқауын өткізу, номинациялар тағайындау, балалар шығармашылығын қолдау – Қимыл-қозғалыс ойыны: «Бакшадағы қояндар»	
– Су әлемінде – Бассейнде жүзу, суға шомылу барысында қауіпсіздік ережелерінің сақталуын қадағалау – Сумен шынығудың пайдасы туралы әңгімелесу – «Судың қасиеті», «Мөлдір – лай», «Ауа мен су» тәжірибелері арқылы балалардың зерттеушілік қызығушылықтарына қолдау көрсету – Су бетінде сурет салу	02.07.2024
– Ғажайыптар әлемі – Балалармен табиғат құбылыстары туралы әңгімелесу (жаз мезгіліндегі маусымдық өзгерістер, балалардың киінуі, күн сәулесінің адам мен табиғатқа әсері, аспандағы бұлттар және т.б.) – Серуен кезінде табиғат көріністерін бақылауға үйрету және кері байланыс жасау – Табиғат туралы өлең оқып беру, жұмбақтар шешу – Дидактикалық ойын: «Артық суретті тап»	03.07.2024
– Менің достарым – Отбасындағы сүйіспеншілік, сыйластық, мейірімділік туралы әңгімелесу – Адамдардың бір-бірін жақсы көретіні, түсінісу, дос болу туралы түсінік беру – Көркем шығарма оқып беру – Сюжетті-рөлдік ойын: «Тату-тәтті отбасы»	04.07.2024
– Ұлттық ойындар – Ұлттық ойындар фестивалін ұйымдастыру – Қимыл-қозғалыс ойындары: «Ханталапай», «Аударыспак», «Сакина салу», «Алтыбакан», «Ақ серек – көк серек», «Арқан тарту», «Тақия тастамақ», «Күш сынаспак»	05.07.2024
Шілде айы 2 апта «Анам, әкем және мен – тату-тәтті отбасы»	

«Сүйікті қалам – Астана » – «Елімнің жүрегі – Астана» тақырыбында әңгімелесу – Тақырыпқа сәйкес ән тыңдату және бірге айту – «Бұл бақытты мекен» атты асфальтка сурет салу байқауы – «Менің сүйікті қалам» атты үздік ән байқауы	09.07.2024
Менің сүйікті кейіпкерім – Сүйікті кейіпкерлер фестивалін ұйымдастыру – Балалар мен ата-аналардың бірлескен әрекеті: дәстүрден тыс техникамен сурет салу сайысы (жүнмен, жіппен, саусақпен, алақанмен сурет салу) – Салған кейіпкері туралы әңгімелеу	10.07.2024
«Мерейлі отбасы» – «Әке көрген ок жонар» тақырыбында: әкелермен бірге зат қалдықтарынан бұйым жасау – Дайындалған бұйымдардан көрме ұйымдастыру – Ата-аналар мен балалардың бірлескен әрекеті: Абай Құнанбайұлының өлеңдерін жатқа айту челленджі	11.07.2024
«Анам, әкем және мен – тату-тәтті отбасы» – «Әлди-әлди акбөпем» челленджі: әжесінің бесік жырын тыңдату немесе орындау – Отбасының қызықты демалыс сәттерінен фотокөрме ұйымдастыру – Тақырыпқа сәйкес ән айту және мәнерлеп оқу сайысы – Таза ауада ата-аналар мен балалардың қатысуымен «Отбасылық эстафета» спорттық сайысын өткізу	12.07.2024
Шілде айы 3 апта Жазғы сайыстар	
«Ұлы дала баласы» – «Жас спортшылар»: балалардың жас ерекшеліктеріне сәйкес келетін тренажерлардың көмегімен таза ауада жаттығу – Жана ойындарды үйрету – Кимыл-қозғалыс ойындарына қажетті атрибуттар әзірлеу	15.07.2024

– Санамақтар жаттау – «Бәйге», «Арқан тарту», «Көкпар» ұлттық ойындарымен «Ұлы дала баласы» спорттық сайысын ұйымдастыру	
– Жүгіреміз, зырлаймыз – «Денсаулық – зор байлық», «Дені саудың – тәні сау» тақырыптарында әңгімелесу – Балаларға өз денсаулығын күту, жеке бас гигиенасын сақтау маңыздылығын түсіндіру (тіс тазалау, жуыну, қол жуу, тазалық сақтау және т.б.) – Қосымша ресурс: – Көркем шығарма оқып беру (немесе үзінді оқу) – Таза ауада ұлттық ойындарды ойнау: «Ақ серек – көк серек», «Орамал тастамақ» және т.б.	16.07.2024
– Спорттық ойындар күні – Балалардың сүйікті қимыл-қозғалыс ойындарын ойнату «Менің көңілді добым» бөлімі: – Балалармен әңгімелесу: «Доппен ойналатын спорт түрлері» – Доппен ойнау жаттығулары – Допты нысанаға дәл тигізу – Шығармашылық жұмыс: сурет салу немесе мүсіндеу «Менің көңілді добым»	17.07.2024
– Олимпиада алауы – Отбасылық жарыстар мен эстафеталық ойындар ұйымдастыру – Балалармен әңгімелесу: «Спорттың жазғы түрлері», «Менің сүйікті спортым», «Отбасындағы спорт» – Спорт туралы жұмбақтар мен сұрақ-жауап ұйымдастыру – Санамақтар мен өлеңдер жаттау – Спорттық жаттығулар жасату, ойындар ойнату: бадминтон, футбол, волейбол – Күрсаумен және секіртпемен ойындар өткізу	18.07.2024

– Ұлттық ойындардан байқау: «Бес темше», «Көкпар», «Асық ойындары»	
– Қазақтың салт-дәстүрі – алтын казына Балалармен әңгімелесу: «Қазақ халқының салт-дәстүрлері», «Бесікке салу», «Тұсау кесу», «Сүндет той», «Қонақжайлылық» – Ұлттық бұйымдар мен киім үлгілерін тамашалау, әжелерден шағын шеберлік сағатын ұйымдастыру – Қолөнер көрмесі: балалардың қолымен жасалған қамшы, үкі, ою, кесте элементтері – Қимыл-қозғалыс ойындары: «Асық ату», «Тақия тастамақ», «Сакина салу» – Салт-дәстүрге арналған ұлттық әндер мен термелер тыңдату – Дәстүрлі тағам түрлерін таныстыру: бауырсақ, құрт, ірімшік, қымыз (дегустация түрінде, ата-аналармен келісіп) – Шығармашылық жұмыс: «Менің ұлттық бұйымым» (жапсыру немесе мүсіндеу) – Кеш соңында: «Қазақтың дәстүрі – тәрбие негізі» атты шағын концерт ұйымдастыру (балалар жаттаған өлеңдер, такпақтар, би)	19.07.2024
Шілде айы 4 апта «Ойын ойнап ән салмай, өсер бала бола ма»	
– Алтын балық әлемінде – Алтын балықпен бірге балықтар патшалығына саяхат жасау – «Балықтар әлемі» тақырыбында дәстүрлі емес сурет техникасымен сурет байқауын ұйымдастыру – Балалармен әңгімелесу: улы жәндіктердің суреттерін карап, олардан қорғану жолдарын түсіндіру – Таза ауада ұлттық ойындар ойнау: «Аударыспақ», «Соқыр теке», «Айгөлек», «Күш сынаспақ»	22.07.2024
– Туған өлкем – Балалардың бойында туған жерге, елге деген сүйіспеншілік пен мақтаныш сезімін қалыптастыру	23.07.2024

– Өн тыңдату, такпақ жатқа айтқызу – Туған өлке туралы естеліктермен бөлісу, балалармен бірге фотоальбом қарау, аталар мен әжелердің әңгімелерін тыңдау – Көркем шығарма оқып беру – Аквариумдағы балықтарды бақылау, балықтарға жем беру – Қимыл-қозғалыс ойыны: «Балық аулау»	
– Ойланайық, балақай! – «Жайдары жаз» тақырыбында ермексазбен жұмыс – Жаз мезгілі туралы әңгімелесу арқылы балалардың танымын кеңейту, алған білімдерін бекіту (кері байланыс) – Табиғатты бақылау, қызығушылықтарын дамыту	24.07.2024
– Гүлдер күні – Гүлдер туралы әңгімелесу, жұмбақтар шешу – «Құлпырған әлем» шығармашылық шеберханасы: балалардың қалауы бойынша әртүрлі материалдармен бұйым жасау (аппликация, оригами, квиллинг, жапсыру т.б.) – Дайын жұмыстардан көрме ұйымдастыру, бір-біріне немесе ата-анасына сыйға тарту – «Бағбан» сюжетті-рөлдік ойыны: гүлзарларды қопсыту, суару, тазалау	25.07.2024
– Жәндіктер әлемі – Жәндіктер туралы танымдық әңгіме – Серуен кезінде табиғаттағы жәндіктерді бақылау, балаларға жетекші сұрақтар қою, қызығушылығын дамыту	26.07.2024
Шілде айы 5 апта «Менің достарым»	
– Әдептілік – әдемілік	29.07.2024

– «Жақындарыңды немен және қалай қуантуға болады?», «Кішкентай көмекшілер», «Менің жақсы істерім» тақырыптарында балалармен әңгімелесу – «Әдепті бала» атты қысқа диалогтарға құрылған көріністерді сахналау арқылы балалардың бойында әдептілік қасиетін қалыптастыру – Көркем шығарма оқып беру – Дидактикалық ойын: «Досыма достық лебізім» – Сюжетті-рөлдік ойындар: «Супермаркет», «Сән салоны»	
– Достық күні – Достық туралы түсінік қалыптастыру, достық қарым-қатынасты сипаттайтын қысқа сахналық көріністер арқылы балалардың түсінігін кеңейту – Достық туралы ән тыңдау және бірге айту – Жапсыру жұмысы: «Досыма сыйлық»	30.07.2024
– Мейірімділік күні – Денсаулық, салауатты өмір салты және мейірімділік туралы әңгімелесу – «Ертегі кейіпкерлерінің жақсы істері» ертегі еліне саяхат жасап, балалармен пікірталас ұйымдастыру	31.07.2024
– Түрлі-түсті кемпірқосақ күні – «Қала үстіндегі шарлар» атты ойын-сауық ұйымдастыру: - Үрленген шарлармен эстафеталық жарыстар - Шарларға сурет салу «Ең көңілді шар» байқауын өткізу - Түрлі-түсті шарлардан кемпірқосақ бейнесін құрастыру	01.08.2024
– Достық аллеясы – Табиғи материалдармен жұмыс: құрастыру және мүсіндеу арқылы достық тақырыбын ашу	02.08.2024

– Ұлттық ойындар ойнау: «Түйілген орамал», «Арқан тартыс», «Білектесу», «Алтын сака»	
Тамыз айы І апта «Ас атасы – нан»	
– Алтын дән – «Дәндер патшалығына саяхат» тақырыбында суреттер мен альбомдарды қарау – Көркем шығарма оқып беру, тыңдалған мәтіннің мазмұнын айтқызу – Ыдыстағы дәндерді түрлеріне қарай ажырату, әр ыдысқа бөлу, бөлінген дәндерді санау – Табиғи материалдармен немесе ермексазбен жұмыс: «Дәндер патшалығы» тақырыбында шығармашылық жұмыс	05.08.2024
– Нан – дастархан байлығы – «Нан – дастархан байлығы» тақырыбында әңгімелесу – Шығарма оқып беру, мазмұнын балаларға айтқызу – Нан кикымын ауладағы құстарға беру және оларды бақылау – Нанның суретін салу, ермексаздан нан мүсіндеу	06.08.2024
– Нан болса – ән де болады – Нанды қолдан пісіру процесін көрсететін анасы мен баласының, әжесі мен немересінің бірлескен әрекетінен құралған алдын ала дайындалған челлендж материалдарын көру – Наубайхана жұмысы туралы таныстыру – «Аспазшы» сюжетті-рөлдік ойыны – Тақырыпқа сәйкес ата-аналармен бірге ән байқауын ұйымдастыру	07.08.2024
– Егіс алқабында – «Алқапта не өседі?» тақырыбында әңгімелесу, көркем шығарма оқып беру – Ауладағы өсімдіктер мен шөптерге күтім жасау (қарапайым тапсырмалар орындату) – «Ғажайып дәндер» атты ұжымдық жұмыс: дайын суретті дәндермен безендіру	08.09.2024

Жемістер мен көкөністер күні – «Жемістер мен көкөністер» фестивалін өткізу – Жұмбақтар мен тақпақтар сайысы – Жапсыру: «Менін дәмді достарым» – «Кім күшті?» сайысы: жемістер мен көкөністерді сумен жуып, жылдам жеу жарысы	09.08.2024
Тамыз айы 2 апта «Мен және қоршаған орта»	
– Менің нәзік достарым – Гүлдер және оларға қамқорлық жасау туралы әңгімелесу – Шығарма оқып беру, мазмұнын бірге талқылау – Түрлі-түсті қағаздан гүлдер жасау (қолдың ұсақ моторикасын дамыту үшін квиллинг әдісі қолданылады) – Ұжымдық шығармашылық жұмыс: дайын және қолдан жасалған гүлдерді жолаққа жапсырып, өз тобының ойын алаңын безендіру – «Гүлге оранған ханзада мен ханшайым» байқауын өткізу (ән айту, би билеу)	12.08.2024
– Менің адал достарым – Ит, мысық, балық және басқа үй жануарлары туралы шығарма оқып беру, мазмұнын талдау– Шығармашылық шеберхана: дәстүрлі емес техникамен сурет салу (жүн, макта, түйме қолдану арқылы сүйікті жануардың бейнесін жасау) – Балалар сүйікті достарына арнап тілек айту	12.08.2025
– Саясында бау-бақтың... – Қоршаған орта туралы сұрақ-жауап ұйымдастыру – Отбасылық биден дайындалған челлендж материалдарын көру – Балалардың өз таңдауы бойынша әуенмен би билеу	13.08.2024

– Ханталапай – Ұлттық ойындар туралы шығарма немесе өлең оқып беру – Оқылған шығарманың мазмұнын балалармен бірге әңгімелеу – Асықтарды бояу және безендіру – Ұлттық қимылды ойындардан жарыс өткізу	14.08.2024
– Алуан-алуан кәсіп бар, таңдай біл де, талап қыл! – Мамандық түрлері және олардың атқаратын қызметі туралы әңгімелесу – Мамандықтар туралы өлең оқып беру және мазмұны бойынша сұрақтарға жауап беру – Мамандықтар тақырыбында сурет салу немесе мүсіндеу – Сюжетті-рөлдік ойындар: «Дәрігер», «Мейрамхана», «Ұшақта» және т.б.	15.08.2024
Тамыз айы 3 апта «Өнер көзі халықта»	
– Куыршақ театры – Куыршақ және көлеңкелі театр қойылымдарын тамашалау – Көрген қойылым желісі мен кейіпкерлері туралы әңгімелесу – «Менің сүйікті достарым» тақырыбында ертегі кейіпкерлерінің костюм элементтерін қағаздан жасап, дайын бейнеге жапсыру – Тақырыпқа сәйкес сюжетті-рөлдік ойын ойнату	19.08.2024
– Сөз асылы – шешендік – «Әжелер мектебі» жұмысын жандандыру – Алдын ала дайындалған «Ерте, ерте, ертеде... әжемнің ертегісін тыңдайық» челлендж бейнематериалдарын тамашалау – «Ертегілер әлеміне саяхат»: балаларға сүйікті ертегілерін айтқызу – Дидактикалық ойын: «Мен бастаймын, сен жалғастыр»	20.08.2024

– Алуан-алуан кейіпкер бар – «Менің сүйікті кейіпкерім» тақырыбында ермексаздан мүсіндеу немесе суретін салу – Өз қолымен жасаған кейіпкер бейнесіне еніп, оның даусымен сөйлеу (тіл дамыту жаттығулары) – Ертегі тыңдату, ондағы кейіпкерлер туралы өз ойларын айтқызу	21.08.2024
– Өнерлі өрге жүзер – Ата-аналармен бірлескен әрекет: алдын ала үйде әзірленген ұлттық оюлар көрмесін тамашалау, жасалған бұйымдар туралы әңгімелесу – Тақырыпқа сәйкес жұмбақтар шешу – Бұрыннан білетін әндерді айтқызу, билер билету	22.08.2024
– Ел іші – өнер кеніші – Педагогтар мен балалардың бірлескен театрландырылған қойылымдар байқауын ұйымдастыру – Қойылым қоюға қажетті атрибуттарды орналастыру – Қойылым желісін бірге ойластыру – Рөлдерді ортақ келісіммен бөлісу – Қойылымды сахналау	23.08.2024
Тамыз айы 4 апта Ғажайыптар әлемінде	
– Балабақшам – өз үйім – «Менің балабақшам» тақырыбында жазғы сауықтыру кезеңінде алған әсерлері туралы балалармен серуен кезінде әңгімелесу – Асфальтқа ұжымдық сурет салуға жұмылдыру, салған суреттері бойынша өз ойларын айтқызу – Тәрбиеші, медбике, тәрбиеші көмекшісі, музыка жетекшісі, денешынықтыру нұсқаушысы, аспазшы және басқа мамандықтардың рөлдеріне бөлініп, балалардың рөлдерді өз еркімен таңдап ойнауына мүмкіндік беру	26.08.2024

– Бір, екі, үш – бойға жинап күш! – Дене шынықтырудың пайдасы туралы әңгімелесу – Балалардың өздеріне ұнайтын жаттығуларды жасата отырып, бірлесіп спорттық ойындар тандау және ойнау – Серуен кезінде қарапайым еңбекке баулу: гүл суару, ойын алаңын жинастыру, т.б. – Ұлттық ойын: «Бәйге» ойнату	27.08.2024
– Менің Қазақстаным – Қазақстан Республикасының Тәуелсіздігінің 30 жылдығы, туған өлкенің көрікті жерлері мен табиғаты туралы әңгімелесу – «Елім менің» тақырыбына арналған «Мен бастаймын – сен жалғастыр» ойыны – Алдын ала дайындалған ата-аналар мен балалардың оқыған өлеңдерінің бейнематериалдарын көру және балаларға ұнағандарын бірлесіп тандау	28.08.2024
– Алтын сақа – «Мен атамның көмекшісімін» тақырыбында әңгімелесу – «Жеті атасын білу – тектіліктің белгісі» сайысын ұйымдастыру – Ұлттық асық ойыны «Ханталапайды» ойнату – Асықтармен жасалған «Денсаулық жолымен» жаттығу жүргізу – Асық тізілген қолғаптар арқылы балаларға сергіту массажын жасау	29.08.2024
– Конституция күні – Адалдық, достық, тәртіп туралы әңгімелесу – Тақырыпқа сай балаларға ойын жағдаяттарын ұсынып, дұрыс шешім табуға бағыттау – Қазақстан байрағының бейнесін жұмсақ қағаз киындыларымен безендіру (ұжымдық шығармашылық жұмыс) – «Айбары асқақ – Ата заң» тақырыбында Қазақстан Республикасының Конституциясы күніне	29.08.2024

арналған мерекелік концерт ұйымдастыру	
--	--